

3

利濟學堂報

中國近代
中醫藥
期刊彙編

第一輯

上海辭書出版社

3

中國近代

中醫藥

期刊彙編

中國近代
中醫藥
期刊彙編

第一輯

3

利濟學堂報

上海辭書出版社



南京中医药大学图书馆版权所有

目 録

利濟學堂報	第十五冊		1
利濟學堂報	第十六冊		87
利濟學堂報	第十七冊		175
利濟學堂報	補遺		259

光緒二十三年丁酉 第十五冊

利濟學堂報

委和紀處署

利濟醫院開講
之十三年

全年二十四冊

館在浙江溫
州府前大街

定價大銀圓四元

先行付資
不准拆賣

利濟學堂報丁酉第十五冊目錄

文錄

藝事稗乘叙

東甌陳 虬撰

白喉條辨

瑞安陳葆善撰

院次道

論強國必先強民

續前稿

瑞安陳鍾琦撰

院次道
三十二

書錄

利濟元經

算緯前編

衛生經

教經答問

報錄

時事鑑要

八則

洋務掇聞

十七則

學部新錄

三則

農學瑣言

二則

一則

商務叢談

二則

見聞近錄

七則

近政備考

禮部

議覆奏考試策問請准引用本朝人名

書名摺

經世文傳

按察

蔡兩粵廣仁善堂聖學會序

藝事稗乘叙

東甌陳 虬撰

峩峩中華亞土雄國近數十祀日趨衰弱薄海元元嗷鴻騰嘆
瓶罄柚空闔邦符轍欲蘇支那首興藝事故姬旦宮禮殿以考
工今歐洲諸國製造神奇圓球商務牛耳讓執東鄰三島近又
勃興整飾百物異常粹美歲售別土獲資甚肥獨我黃人時形
瘠乏保工之會不設華氓遂逐於外洋比較之厥不開市器遂
流於竄鈍海隅鰕生深眤杞慮故於諸報文中稍涉斯涂輒殷
採輯萃西方翔富之術作中夏藥貧之糧庶土壤涓流於山海
不無脩裨焉

金銀二

利濟文課卷三

彙編一之三

白喉條辨自敘

瑞安陳葆善撰
院次道一

白喉險症也靈素以來未詳著錄

國朝道光間湖南陳氏雨春始著白喉嚨證論

見白喉捷要常敘

其鄉人

瀏陽張善吾紹脩本其意作白喉捷要大旨言足三陰受病傳之

於肺已失白喉本來面目而用藥又不出風火喉痺之範圍與手

太陰燥火了無關涉鄭氏梅澗所著重樓玉鑰言此症或遇燥氣

流行而發用藥以清肺養陰為主頗爲中的然語焉不詳得失參

半似未能洞徹源流者

如既言或遇燥氣流行而發又言此症在少陰一經熱邪伏其間盜肺金之母氣云

云用藥既以養陰清肺爲主又言只宜紫正散夫紫正散之荆芥防風荆皮細辛與養陰清肺湯之冬地白芍丹皮奚啻冰炭何鄭

氏竟相提並論也

光緒戊子京師是症大發有耐脩子者以戚串中多遭

其厄悉心講求託之神道採二家之言著白喉治法忌表抉微選

擇頗爲簡要然此君非素業岐黃之術者於受病之源流經絡用藥之色味氣性茫無真知灼見故語多不根尤不足以津逮後學

癸巳春余及二女一子於數日間次第傳染

壬辰秋冬之交天久不雨燥氣盛行冬至

後大霜雪尋常湖潑水厚寸許歐郡地氣極暖不見此氣候者已六七十年至立春後雨水驟至是症輒大發聞郡城醫者多以辛溫表散從事小兒遭厄者甚夥長女以張氏法治之幾至不起幸以大辛涼合甘

鹹寒法日進三大劑獲效

張氏所列無治之症十一條已居其八

次女少子遂悉用

養陰法次女愈而少子夭此中疑團幾不可破甲午秋季少女纔

時

周歲患伏暑病身熱痙厥痰嗽而喘投以清熱化痰通絡息風劑痙厥愈而諸症不減至日晡時痰喘愈甚與白喉病將絕時形象宛然無異急用前方加入西洋石膏大辛涼法與之痰喘頓止而身熱亦愈始恍然於白喉病之標本傳變從前醫治之或得或失一瞭如指掌且深悉張氏鄭氏耐脩氏三先生之書雖各有心得實未能窮極源流也於是潛心探索彙集衆長證以經誼參以閱

歷遲之數年作白喉訂正論一卷呈政於蟄廬主講主講曰是論雖詳然頭緒繁多篇幅長冗恐閱者未易貫徹盡仿吳鞠通氏著溫病例爲白喉條辨庶幾綱舉目張作者既易於發明閱者復易於尋繹余曰善退而作條辨一十五條稿既脫因爲敘其大旨雖當仁不讓於張氏鄭氏耐脩氏三先生之言間多指摘然非三先生開先河之功余亦安能遽集其成也後有作者倘能闡發微旨匡茲不逮豈特余與三先生之幸抑天下生靈有厚望焉光緒二十三年歲丁酉夏月

目錄

辨病源第一

辨經絡第二

辨色第三

辨脉第四

辨手太陰本病症治第五

辨手少陽標病症治第六

辨手少陰標病症治第七

辨三經標本同病第八

真扁一文課三

二

辨救誤上第九

辨救誤下第十

辨善後第十一

辨外治第十二

辨禁忌第十三 共五條

辨張氏無治之症第十四 共十一條

辨耐修藥表并藥忌第十五

辨病源第一

陽明燥金司天之年或秋冬之交天久不雨燥氣盛行邪客於肺

伏而化火至初春雨水驟至春寒外加夏至後發者更重少陽相火不能

遂其條達之機遂挾少陰君火循經絡而上與所伏之燥火互相

沖激猝乘咽喉清竅而出或發白塊或白點名曰白喉互相傳染

大人易治小兒難治

時疫喉症不外外感六淫爲病六淫者卽經所謂風寒燥溼暑

火六氣是也歷攷古人喉科方論言風火者固多言寒溼者亦

頗不乏獨未有專言燥氣爲病者蓋內經脫秋傷於燥一條後

人遂有燥氣不爲病之說至沈目南喻嘉言始各有所得各出方論沈氏以化氣爲濕爲主故立方偏於苦辛微溫喻氏以復氣爲火爲主故立方偏於辛涼甘寒賴吳鞠通氏有燥氣爲病輕則爲燥重則爲寒化氣爲濕復氣爲火數語而燥氣發病之理始著後之治燥氣者亦有門徑可入

欲治白喉者非先讀沈喻吳三先生之書恐終無從下手此症之發必於燥氣盛行之年且見症經脈傳變治法無一不與燥火二字昭合故知病屬燥氣無疑

詳觀後辨自明

唯間多挾少陽相火少陰君火而發不得不兼治耳鄭氏梅澗雖言此症或遇燥氣流行而發而支離籠雜尙非真能探及源頭者至張氏漫言火熱

喉症屬火熱者比比皆是

耐脩氏言肺之灼由於胃之熱胃之熱實由於腸之寒模糊影響全無確見更不足辨矣大人小兒治法本同何分難易實以小兒在五六齡以內者未識人事看驗服藥處處不能如法故治之較難也

辨經絡第二

素問陰陽別論篇曰一陰一陽結謂之喉痺一陰指少陰一陽指少陽少陽主相火少陰主君火故凡一切風火喉痺莫不揭重二經主治而白喉則獨以手太陰爲本以二經爲標蓋二經爲病主風火而太陰爲病主燥氣其有傳及他經者皆非白喉本有之症或因循不治與治不得法火毒蔓延累及他經也知其所在以法治之

張氏紹脩曰此症當作足三陰受病傳至於肺且引十二經脉足太陰之脉上膈挾咽連舌本散舌下足少陰之脉循喉嚨挾舌本足厥陰之脉循喉嚨之上入頰頰下絡舌本爲証不知十二經之脉除足太陽外其餘十一經皆內循喉嚨不獨足三陰也且旣言足三陰受病必有足三陰見症今內經傷寒具在可復按也足厥陰爲肝素問刺熱篇曰肝熱病者小便先黃腹痛

非民強之效歟日本明治之初強師壓境東人幾不國矣然維新以後藝興於下政明於上俊傑有爲之士奮其身爲國家用夫日本之民不過四千萬人耳以視中國殆僅得其什一也然而用民必信鍊兵必精一切取法於泰西撫之三十年而軍隊之雄伯仲英德異矣哉商鞅之言曰民強國弱國弱民強有道之國務在弱民嗚呼此秦之所以二世亡也異矣哉商鞅之言也

然則強民之道將何如曰虎賁趣馬周禮以之命官軌里連鄉管氏因而霸國沒齒不識兵革未有臨敵而能前者也平居不知講武未有蹈險而不驚者也今且復古人守望之義編戶爲兵給以軍械寬以歲月聯以保甲資以簡練予以權利假以仕途五家爲鄰鄰必有長五鄰爲里里必有師設塾以明其教講學以堅其志蒐苗獮狩以習其數進止坐作以彰其度而尤必牖其智慧廣其學術恣其製造通其情愫縱其遊歷拓其聞見胥吏不復襲其肘